



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-246-2/23**

Datum: **16.06.2023. god**

«Agencija za vodno područje rijeke Save» Sarajevo rješavajući po zahtjevu Grada Zenica podnesenom putem JP za prostorno planiranje i uređenje grada «ZENICA» d.o.o. Zenica za donošenje rješenja o prethodnoj vodnoj saglasnosti za aktivnost – uređenje zelene površine (škarpe) uz šetnicu na desnoj obali rijeke Bosne na lokalitetu Kamberovića polje kod «Turskog parka» u Zenici, na osnovu člana 109. stav (1) Zakona o vodama («Službene novine Federacije BiH», broj 70/06), člana 16. stav (1) tačka 14. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Gradu Zenica daje se vodna saglasnost za aktivnost – uređenje zelene površine (škarpe) uz šetnicu na desnoj obali rijeke Bosne na dijelu parcele označene kao k.č. broj: 1747/1 K.O. Zenica III (javno vodno dobro) na lokalitetu Kamberovića polje kod «Turskog parka», grad Zenica a prema tehničkoj dokumentaciji:
 - Glavni projekat proširenja sjedećih mjesta na škarpi na desnoj strani obale rijeke Bosne, od Jalijskog mosta, grad Zenica urađen od strane JP za prostorno planiranje i uređenje grada «ZENICA» d.o.o. Zenica (broj: 02-1-3504/23, maj 2023. godine) revidovan od strane «IBIS» d.o.o. Zavidovići, juni 2023. godineOva vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 1/14 i 4/16).
2. Projektna dokumentacija navedena u tački 1. Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog Rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. Rješenja, utvrđenog činjeničnog stanja i pod sljedećim uslovima:
 - 3.1. Radove na uređenju zelene površine uz šetnicu na desnoj obali rijeke Bosne na lokalitetu poznatom kao «Turski park» na Kamberovića polju u Zenici izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Ukoliko se tokom izvođenja radova utvrdi da je lokalitet predmetnog uređenja u koliziji sa postojećim instalacijama i stečenim pravima korisnika, riješiti njihovo ukrštanje ili izmiještanje, uz saglasnost nadležnih preduzeća odnosno organa uprave.
 - 3.4. U toku radova, iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 03-19-9985/20 izdatog dana 13.12.2022. godine izdata od strane Službe za urbanizam Grad Zenica.
4. Ukoliko se u toku izvođenja radova i korištenja sjedećih mjesta planiranih predmetnim radovima na uređenju zelene površine uz šetnicu na desnoj obali rijeke Bosne prouzrokuju štetne promjene režima voda i kao posljedica toga nastanu štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
5. Po završetku radova potrebno je izvršiti uređenje obale i pojasa rijeke Bosne u kojem su vršeni radovi te lokalitet očistiti od gradilišnog otpada.

6. Po završetku radova i obavljenog tehničkog pregleda izvedenih radova na uređenju zelene površine uz šetnicu na desnoj obali rijeke Bosne na lokalitetu poznatom kao «Turski park» na Kamberovića polju u Zenici, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine od datuma pravosnažnosti rješenja ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Dana 12.06.2023. godine, pravno lice JP za prostorno planiranje i uređenje grada «ZENICA» d.o.o. Zenica obratilo se ovoj Agenciji, u ime Grada Zenica, sa zahtjevom za donošenje Rješenja o vodnoj saglasnosti za aktivnost – uređenje zelene površine (škarpe) uz šetnicu na desnoj obali rijeke Bosne na dijelu parcele označene kao k.č. broj: 1747/1 K.O. Zenica III (javno vodno dobro) na lokalitetu Kamberovića polje kod «Turskog parka», grad Zenica a u postupku pribavljanja odobrenja za građenje. U provedenom postupku dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji za Grad Zenica - gradonačelnik izdatog dana 08.12.2014. godine od strane Porezne uprave Federacije BiH – Kantonalni porezni ured Zenica,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-38506/17 za Grad Zenica - gradonačelnik izdatog dana 27.02.2017. godine od strane Službe za statistiku za područje Zeničko-dobojskog kantona,
- Ovlaštenje zastupnika podnosioca zahtjeva broj: 18-19-9366/22-1 od 08.06.2022. godine,
- Kopija Rješenja o prethodnoj vodnoj saglasnosti broj: UP-1/21-1-40-508-7/22 izdatog dana 29.11.2022. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 03-19-9985/20 izdatog dana 13.12.2022. godine od strane Službe za urbanizam Grad Zenica,
- Glavni projekat proširenja sjedećih mjesta na škarpi na desnoj strani obale rijeke Bosne, od Jalijskog mosta, grad Zenica urađen od strane JP za prostorno planiranje i uređenje grada «ZENICA» d.o.o. Zenica (broj: 02-1-3504/23, maj 2023. godine),
- Konačan izvještaj o izvršenom pregledu projektne dokumentacije urađen od strane «IBIS» d.o.o. Zavidovići (broj: 13-IB-RE/23, juni 2023. godine),
- Dokaz o uplaćenju upravnoj taksi na zahtjev.

Nakon uvida u dostavljenu dokumentaciju konstatovano je sljedeće:

Na desnoj obali rijeke Bosne, na lokalitetu poznatom kao «Turski parka» na Kamberovića polju u Zenici uzvodno od Jalijskog mosta planirano je uređenje zelene površine (škarpe) na 3 dionice između asfaltirane pješačke staze uz regulisanu obalu i popločanu trim stazu iznad škarpe. Projektom je planirana izgradnja šest segmenata tribina dužine po 17,5m (sjedeća mjesta od armiranobetonskih ploča za završnom obradom od drvenih letvi) sa stepeništem u širini do 2,0m od pješačke do trim staze između svaka dva segmenta. Projektom dokumentacijom predviđena je odvodnja podzemnih voda drenažnom kanalizacijom sa ispuštom u upojni bunar planiran u dnu škarpe zasebno za svaku dionicu uređenja.

Urbanističke uslove za uređenje zelene površine (škarpe) uz šetnicu na desnoj obali rijeke Bosne na dijelu parcele označene kao k.č. broj: 1747/1 K.O. Zenica III (javno vodno dobro) na lokalitetu Kamberovića polje kod «Turskog parka», podnosiocu zahtjeva je kroz Rješenje o urbanističkoj saglasnosti izdala Služba za urbanizam Grad Zenica.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa broj: UP-1/21-1-40-508-7/22 od 29.11.2022. godine te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat proširenja sjedećih mjesta na

škarpi na desnoj strani obale rijeke Bosne, od Jalijskog mosta, grad Zenica urađen od strane JP za prostorno planiranje i uređenje grada «ZENICA» d.o.o. Zenica (broj: 02-1-3504/23, maj 2023. godine), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Prilog:

- Ovjerena projektna dokumentacija: Glavni projekat proširenja sjedećih mjesta na škarpi na desnoj strani obale rijeke Bosne, od Jalijskog mosta, grad Zenica urađen od strane JP za prostorno planiranje i uređenje grada «ZENICA» d.o.o. Zenica (broj: 02-1-3504/23, maj 2023. godine)
- Konačan izvještaj o izvršenom pregledu projektne dokumentacije urađen od strane «IBIS» d.o.o. Zavidovići (broj: 13-IB-RE/23, juni 2023. godine)

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- JP za prostorno planiranje i uređenje grada «ZENICA» d.o.o. Zenica
Ul. Mehmedalije Tarabara br 15, 72000 Zenica (prilog)
- Grad Zenica, Sektor za ekologiju i komunalne poslove
Trg BiH br 6, 72000 Zenica
- AVP Sava, ISV-vodna knjiga
- Sektor 40 - arhiva
- Oglasna ploča - AVP Sava